

Bag-ong Kinabuhi
Pagtulun-an sa Disipulo

Ni Pastor Bien Llobrera
(Janet Mahilum Pescante Suico, Cebuano Translator)

Libro 1

Tuong Kamot sa Bata pa sa Espirituhanon
Ang Ebanghelyo

TIMAN-I: Palihug basaha ang APPENDIX
sa likod sa Libro 1 sa dili pa magsugod sa pagtudlo sa serye.

LEKSYON 1
TUONG KAMOT SA BATA: ANG EBANGHELIO
“Ang Dios Adunay Gasa alang Kanimo”



Nasayod ka ba nga ang Dios nahigugma kanimo? Ug Siya adunay gasa alang kanimo? Nasinati ba nimo ang Iyang gugma? Nadawat na ba nimo ang iyang Gugma?

Aron masinati ang gugma sa Dios ug makadawat sa Iyang gasa, kinahanglan nimong masayran ang UNOM KA KAMATUORAN. Aron mahinumduman kini nga mga kamatuoran, atong ibutang kini sa tuong kamot.

KUMAGKO: GUGMA SA DIOS

Sa atong KUMAGKO, atong ibutang kini nga kamatuoran” ANG DIOS NAHIGUGMA KANIMO, UG GUSTO NIYA NGA IHATAG KANIMO ANG GASA SA KINABUHI NGA WALAY KATAPUSAN. Atong basahon Juan 3:16.

Bag-ong Kinabuhi

Libro 1

Kay gihigugma pag-ayo sa Dios and kalibutan nga tungod niana gihatag niya ang iyang bugtong Anak, aron ang tanan nga mosalig kaniya dili malaglag kondili may kinabuhi nga walay katapusan.

Ang kinabuhing dayon nagpasabot ug kinabuhing walay katapusan. Nagpasabot kini nga sa umaabot nga adlaw, kung matapos na kining kinabuhia, makauban ka sa Dios hangtod sa kahangtoran sa langit ug sa Iyang walay kataposang gingharian.

Labaw sa tanan, ang kinabuhing dayon nagpasabot ug PERMANENTE NGA RELASYON sa DIOS. Kini nagpasabot nga ang Dios magauban kanimo dinhi sa kalibutan. Ang Ginoong Hesus nagsaad nga hatagan ka ug madagayaon nga kinabuhi sa tibuok nimong panaw dinhi sa yuta. Atong basahon ang Juan 10:10, 11; niini nga mga bersikulo ang Ginoong Hesus, isip ang Maayong Magbalantay, nagtandi sa Iyang kaugalingon kang Satanas, ang kawatan o tulisan:

¹⁰ Ang kawatan dili moanhi gawas sa pagpangawat, ug sa pagpatay, ug sa paglaglag. Ako mianhi aron sila makabaton sa kinabuhi, ug aron sila makabaton niini sa madagayaon gayud. 11 “Ako ang maayong magbalantay. Ang maayong magbalantay naghatag sa Iyang kinabuhi alang sa mga karnero.

Uban ni Ginoong Hesus isip imong Maayong Magbalantay, Siya manalipod kanimo gikan sa tulo ka pilo-pilo nga dautang plano ni Satanas batok kanimo:

- Si Satanas, ang kawatan, gusto nga kawaton ang imong kalinaw, imong kalipay, ug imong kaugmaon. Sa laing bahin, si Hesus ang Maayong Magbalantay nagtanyag kanimo og kapasayloan sa mga sala uban sa kalinaw ug kalipay ug kasiguroan alang sa umaabot.
- Si Satanas, ang kawatan, gustong mopatay nimo. Pinaagi sa makadaot nga makasasalang mga kalihokan ug estilo sa kinabuhi, iyang gub-on ang imong panglawas ug sa kadugayan maoy hinungdan sa ahat nga kamatayon. Dili lang kana, pugngan ka niya sa pagdawat sa regalo sa Diyos nga kinabuhing dayon. Sa laing bahin, si Jesus ang Maayong Magbalantay naghatag kanimo og madagayaong kinabuhi, nga adunay katuyoan ug kahulogan, ug Siya nagsaad sa paghatag sa tanan nimong mga panginahanglan.
- Pagkahuman sa pagpangawat ug pagpatay, gusto ni Satanas nga kawatan nga gub-on ang imong pamilya, imong mga higala, imong karera, ug ang tanan nga bililhon kanimo. Ang makasubo nga kinabuhi sa usa ka adik sa droga naghulagway sa mga resulta sa tanang pinilo-pilo nga dautang plano ni Satanas. Sa laing bahin, si Jesus ang Maayong Magbalantay dili lamang mopanalangin kanimo; mahimo ka nga usa ka panalangin sa imong pamilya ug sa tanan nga naglibut kanimo.

Oo, gihigugma ka sa Dios ug gusto Niya nga hatagan ka ug kinabuhing dayon ug madagayaon nga kinabuhi!

Apan ang dakong pangutana: Ngano nga ang mga tawo wala makadawat sa gasa sa Diyos nga kinabuhing dayon ug madagayaong kinabuhi?

PANGPUNTING NGA TUDLO: PROBLEMA SA TAWO

Bag-ong Kinabuhi

Libro 1

Sa atong PAGPUNTING SA TUDLO, atong gibutang ang ikaduhang kamatuoran: ANG SALA NAKABABAG KANATO NGA MADAWAT ANG KINABUHI NGA WALAY KATAPUSAN UG MADAGAYAON NGA KINABUHI.

Dili kita makadawat sa gasa sa Dios tungod kay ang atong mga kamot ug atong mga kasingkasing dili igo nga limpyo aron makadawat sa gasa. Ang Bibliya nagsulti kanato nga ang sala nagpugong kanato sa pagdawat sa gasa sa Diyos.

Atong basahon ang Roman 3:23: *Kay ang tanan nakasala ug nakabsan sa himaya sa Dios.*

Unsa ang sala? Ang sala mao ang PAGESUPAK SA MGA SUGO SA DIOS. Kitang tanan nahibalo nga ang Dios naghatag sa NAPULO ka SUGO. Himoon nato ang dali nga pagrepaso sa Napulo (10) ka Sugo gikan sa Exodo 20:2-17

1. Dili ka magbaton ug lain nga mga dios sa atubangan ko.
2. Dili ka magbuhat alang kanimo ug bisan unsa nga linilok nga larawan.
3. Dili mo paggamiton ang ngalan sa Ginoo nga imong Dios sa pasipala.
4. Hinumdumi ang adlaw nga igpapahulay, aron sa pagbalaan niini.
5. Tahuron mo ang imong amahan ug ang imong inahan
6. Dili ka magpatay.
7. Dili ka manapaw.
8. Dili ka mangawat.
9. Dili ka magsaksi ug bakak.
10. Dili ka maibug.

Kon molapas ka sa bisan hain niining napulo ka sugo, nakasala ka. Sa mas tukma, nagbuhat ka ug MGA BUHAT SA SALA.

Apan unsa ang gamut sa SALA? Ang gamut sa sala makaplagan diha sa unang sala nga nahimo ni Adan ug Eva. Hinumdomi ang sugo sa Diyos kanila? Gisugo sila sa Diyos, “Ayaw pagkaon sa kahoy sa kahibalo sa maayo ug daotan, kay sa adlaw nga mokaon ka niini, mamatay ka gayod” (Genesis 2:16-17).

Si Adan ug Eva misupak sa gidili sa Diyos. Mikaon sila sa gidili nga prutas. Karon, mangutana kami, unsa ang daotan sa pagkaon sa kahoy sa kahibalo sa maayo ug daotan? Aw, ang hingpit nga pagkadautan sa ilang sala masabtan gikan sa pagtintal ni Satanas mahitungod sa gidili nga bunga. Si Satanas miingon, ““Dili gayod kamo mamatay. 5 Kay ang Dios nahibalo nga sa adlaw nga kamo mokaon niini ang inyong mga mata mangabuka, ug kamo mahisama sa Dios, nga mahibalo sa maayo ug sa dautan.” (Genesis 3:4-5)

Ang tintasyon mao ang mahimong sama sa Dios nga nahibalo sa maayo ug daotan. Sa laing pagkasulti, si Adan ug Eva mihukom nga mahimong ilang kaugalingong diyos, kinsa adunay katungod sa paghukom sa maayo ug daotan alang sa ilang kaugalingon gawas sa Diyos. Ang esensya sa S-A-L-A mao ang dako,

mapahitas-on nga letra nga "A" (AKO) nga mikuha sa trono ug milingkod sa trono isip hari o rayna sa kaugalingong kinabuhi. Ang SALA nagpahayag sa akong pagkagawasnon gikan sa Dios ug nagsulti sa Dios sa pagpalayo sa akong kinabuhi. Ang SALA nagpahayag, "Buhaton nako ang bisan unsa nga akong gusto, ug dili ko igsapayan kung unsa ang isulti sa Dios o sa ubang mga tawo, ug dili ko igsapayan kung adunay masakitan basta malipayon ako."

ANG SALA NAGAPUGONG KANATO NGA MADAWAT ANG KINABUHI NGA WALAY KATAPUSAN

Gusto sa Dios nga ihatag kanato ang GASA SA KINABUHI NGA WALAY KATAPUSAN ug ang GASA SA MADAGAYAONG KINABUHI, apan ang sala nagpugong kanato sa pagdawat sa gasa sa Dios.

Ngano man? Tungod kay ang Bibliya nagpasidaan kanato, "Ang suhol (suweldo o ganti) sa sala mao ang kamatayon" (Roma 6:23).

Gipasidan-an sa Diyos si Adan ug Eva, nga sa higayon nga mokaon sila sa gidili nga bunga sa kahoy sa kahibalo sa maayo ug daotan, mamatay sila. Apan buhi ra kaayo sila bisan homan sila makakaon sa gidili nga prutas.

Aw, ang wala nila nahibal-an nga ang KAMATAYON moabut sa tulo ka yugto:

UNANG (1) YUGTO : ESPIRITUHANONG KAMATAYON o espirituhanong pagkahimulag gikan sa Dios. Sa higayon nga si Adan ug Eva nakasala, ang ilang mga espiritu giputol gikan sa Dios; nawala ang ilang koneksyon sa Diyos. Mao nga gipapahawa sila sa Tanaman sa Eden.

Sa samang paagi alang kanato karon, tungod sa sala sa atong kasingkasing, kita nahimulag gikan sa Dios sa espirituhanong paagi. Sa unsang paagi kini nga espirituhanong pagkahimulag nagpakita sa iyang kaugalingon? Kini nagpakita sa kaugalingon pinaagi sa kakulang sa tinguha sa mga tawo sa Diyos ug sa Iyang Pulong. Kon dapiton nimo ang mga tawo sa pagtuon sa Bibliya, kasagarang moingon sila nga dili.

IKADUHANG (2) YUGTO : PISIKAL NGA KAMATAYON o ang pagkahimulag sa kalag gikan sa lawas. Sa kataposan si Adan ug Eva namatay sa pisikal sa dihang ang ilang kalag mibiya sa ilang lawas. Bisin pa niana alang kanatong tanan, tungod sa sala, kitang tanan sa kadugayan mamatay sa pisikal. Apan dili kana ang kataposan. Ang pangutana, asa paingon ang imong kalag human ka mamatay? Ang Bibliya nagpasidaan kanato, kon dili nato sulbaron ang atong problema sa sala, kita mag-antos sa kataposang yugto sa kamatayon.

IKATULONG (3) YUGTO : WALAY KATAPUSAN NGA PAGKAHIMULAG SA DIOS. Ang Bibliya nagtawag niini nga ikaduhang kamatayon, sa dihang ang makasasalang kalag permanenteng mahimulag gikan sa presensya sa Diyos. Ang Dios naghatag kanato sa listahan sa mga tawo nga mag-antus niining walay katapusan nga pagkabulag gikan sa Dios. Atong basahon ang Pinadayag 21:8.

Apan ang mga talawan, dili matinuohon, mga dulumtanan, mga mamumuno, mga makihilawason, mga salamangkero, mga magsisimba sa mga diosdios, ug ang tanang mga bakakon, adunay ilang bahin sa linaw nga nagdilaab sa kalayo ug asupre, nga mao ang ikaduhang kamatayon.

Palihug timan-i pag-ayo kon kinsa ang nalakip sa listahan sa mga tawo nga mag-antos sa ikaduhang kamatayon. Sigurado ka ba nga wala ka maapil sa kini nga lista?

Ang Pinadayag 21:8 nagpahimangno kanato nga bisag nakahimo lamang kita sa sala sa pagpamakak, kita anaa sa kakuyaw sa ikaduhang kamatayon. Makaingon ka ba nga matinud-anon ka nga wala gayud, wala gayud mamakak, bisan usa ka puti nga bakak? Pag-amping; kung muingon ka, wala pa gyud ka namakak, sa tinuod lang namakak naka.

Ga atubang kita ug DAKO KAAYO NGA PROBLEMA. Kitang tanan – ikaw ug ako ug ang tanan – anaa sa peligro nga mag-antos sa ikaduhang kamatayon o walay kataposang pag-antos sa linaw nga kalayo. Ngano man? Tungod kay ang matag usa kanato nakasulti ug bisan usa ka bakak, ug kana naghimo kanato nga bakakon. Ug ang Dios nag-ingon nga bisan kung ikaw bakakon lamang, bisan kung wala ka nakabuhat ug pagpatay o pagpanapaw o bisan unsang uban pang mga makalilisang nga sala, ang imong walay katapusan nga destinasyon mao ang linaw nga kalayo.

Kana usa ka dako kaayo nga problema. Naa bay tubag sa atong problema? Oo, adunay tubag!

TUNGA-TUNGA NGA TUDLO: SI KRISTO ANG TUBAG

Sa maong TUNGA-TUNGA NGA TUDLO, among gibutang kini nga kamatuoran nga si KRISTO MAO ANG TUBAG sa problema sa sala ug kamatayon.

Mao ni ang MAAYONG BALITA nga gusto namong ipaambit kaninyo. Atong basahon pag-usab ang Juan 3:16:

Kay gihigugma pag-ayo sa Dios ang kalibotan nga tungod niana gihatag niya ang iyang bugtong nga Anak, aron ang tanan nga motuo kaniya dili malaglag kondili may kinabuhing dayon.

Gihigugma kita pag-ayo sa Dios, gusto Niya nga ihatag kanato ang Iyang GASA NGA KINABUHI NGA WALAY KATAPUSAN ug MADAGAYAONG KINABUHI, ug gipadala Niya ang Iyang kaugalingong Anak nga si Hesus-Kristo aron mahimong solusyon sa atong problema sa sala. Giunsa ni Kristo pagsulbad ang atong problema sa sala?

Si Kristo nga Anak sa Dios mikunsad sa yuta gikan sa langit, aron sa pagluwas kanato gikan sa sala ug kamatayon pinaagi sa pagbayad sa silot sa atong mga sala pinaagi sa Iyang kaugalingong kamatayon sa krus. Atong basahon ang 1 Pedro 3:18.

Kay si Kristo usab nag-antus sa makausa tungod sa mga sala, ang matarung alang sa mga dili matarung, aron kita madala niya ngadto sa Dios, nga gipatay diha sa unod, apan gibuhi pinaagi sa Espiritu.

Ang balaod sa Dios klaro nga nagpahayag: ang makasasala kinahanglan mamatay alang sa iyang mga sala. Apan si Kristo mianhi sa yuta, Siya nagpuyo sa usa ka hingpit nga kinabuhi, ug unya Siya namatay sa krus alang sa atong mga sala. Si Kristo mao ang matarong ug walay sala; kita ang dili makiangayon ug makasasala. Ang balaod sa Dios nagmando nga kita, ang mga makasasala, kinahanglang mamatay alang sa atong mga sala. Hinunoa, si Kristo nahimong atong Kapuli ug namatay alang sa atong mga sala didto sa krus.

Bag-ong Kinabuhi

Libro 1

Si Kristo wala magpabilin nga patay. Sa ikatulo ka adlaw, nabanhaw Siya. Buhi Siya karon, ug nagbarog Siya isip atong BUHI NGA DALAN – atong BUHI NGA TULAY – aron kita ibalik ngadto sa Dios. Atong basahon ang Juan 14:6.

Si Jesus miingon kaniya, “Ako mao ang dalan, ang kamatuoran, ug ang kinabuhi. Walay makaadto sa Amahan gawas kon pinaagi Kanako.

Ang TULAY balik sa Diyos andam na! Posible na karon nga makabalik sa Dios.

Sa makausa pa, atong klaruhon nganong si Kristo lamang ang TULAY balik sa Dios.

Adunay labing menos duha ka rason:

Una, gisulbad ni Kristo ang problema sa SILOT sa sala. Ang sala mao ang paglapas sa mga balaod sa Dios. Ug ang sala kinahanglang bayran. Wala kitay ikabayad sa atong mga sala. Ang kuwarta, mga pag-ampo, pagsilot sa atong mga lawas, ang atong maayong mga buhat sama sa paghatag sa gugmang putli - kining tanan dili paigo sa pagbayad sa atong mga sala. Apan si Kristo mianhi, ug didto sa krus Iyang gihalad ang Iyang kinabuhi, ang Iyang lawas ug ang Iyang dugo isip bayad sa atong mga sala.

Ikaduha, gisulbad ni Kristo ang problema sa atong pagkahulog ubos sa sukdanan sa Diyos. Kinsa nga tawo ang takus nga dawaton atubangan sa Dios? Kadto lamang nga tawo nga adunay hingpit nga pagkamatarong. Apan kinsa kanato ang adunay hingpit nga pagkamatarong? Wala ni kinsa man. Ang Bibliya nagpahayag nga ang tanan natong pagkamatarong ug pagkamaayo sama sa hugaw nga mga trapo, puno sa mga buho ug baho ug sa hingpit dulumtanan sa panan-aw sa Dios (Isaias 64:6). Apan si Kristo mianhi! Natawo siya ingon nga tawo sama kanato, ug ingon usa ka tawo nagkinabuhi siya nga hingpit nga wala’y sala. Ug karon, sa diha nga kita mobutang sa atong hugot nga pagtuo diha Kaniya, Siya mohatag kanato, nga walay bayad ingon nga usa ka gasa, sa Iyang hingpit nga pagkamatarung nga Iyang gibutang sa atong palibot sama sa usa ka putli nga puti nga kupo nga naghimo kanato nga dalawaton sa atubangan sa Dios.

Ang TULAY balik sa Dios ania na. Apan mangutana kita, "Unsaon nato pagtabok sa taytayan?" Motabok kita sa taytayan pinaagi sa pagtukod ug personal nga relasyon uban ni Kristo.

USA KA PANGUTANA: Si Kristo ang TULAY balik sa Dios ania na. Apan mangutana kita, “Unsaon nato pagtabok sa taytayan?” Motabok kita sa taytayan pinaagi sa pagtukod ug personal nga relasyon uban ni Kristo.

TUDLO SA SING-SING: ANG IMBITASYON NI KRISTO

Sa maong TUDLO SA MAY SING-SING, among gibutang kini nga kamatuoran: SI KRISTO NAG-IMBITA KANATO NGA ADUNAY PERSONAL NGA RELASYON KANIYA.

Motabok kita sa tulay pinaagi sa pagtukod ug PERSONAL NGA RELASYON uban ni Kristo.

Si Kristo nagdapit kanato diha sa Pinadayag 3:20.




Tan-awa, nagatindog ako sa pultahan ug nagatuktok. Kon adunay makadungog sa akong tingog ug moabli sa pultahan, mosulod ako kaniya ug makigsalo ako kaniya, ug siya uban Kanako.

Sumala niini nga bersikulo, unsa ang gibuhat ni Kristo? Nagapanuktok siya sa pultahan sa kasingkasing sa matag tawo. Unsa may gihulat ni Kristo nga atong buhaton? Naghulat Siya nga atong ablihan ang atong kasingkasing ngadto Kaniya ug dawaton Siya sa atong kinabuhi.

Karon, aniyay usa ka mahinungdanon kaayo nga pangutana.

Si Kristo nagatuktok sa pultahan sa imong kasingkasing karon. ASA IMONG GUSTO NGA MAHIMUTANG si KRISTO – SA GAWAS o SULOD sa imong kasingkasing? Unsang matanga sa kasingkasing ang gusto nimo, ang kasingkasing sa ilawom, nga anaa si Kristo sa gawas? O ang kasingkasing sa ibabaw nga kauban si Kristo sa sulod? Palihug timan-i:

- **ANG SA KASINGKASING PINAKA-ILALOM:** Ang KAUGALINGON (ang dakong garbo nga "Ako") maoy hari/reyna sa trono sa imong kasingkasing. Mao kini ang kahulogan sa S-A-L-A: "Ako" ang nagdumala sa akong kinabuhi, buhaton nako ang akong gusto nga buhaton, kung gusto nako buhaton, bisan kanus-a, bisan asa, uban ni bisan kinsa, ug dili ko igsapayan kung unsa ang gisulti sa Diyos, ug wala koy paki kung masakitan ang ubang tao, basta nalipay ko. Gusto ko nga si KRISTO permanente nga mawala sa akong kinabuhi.
- **ANG KASINGKASING SA IBABAW:** SI KRISTO (gisimbolo sa KRUS) mao na karon ang Ginoo ug Hari sa akong kinabuhi. Ang akong KAUGALINGON (ang dakong garbo nga "Ako") mitugyan sa trono ngadto kang Kristo. Sukad karon, ang akong tumong mao ang pagpangita ug pagtuman sa katuyoan sa Dios sa akong kinabuhi.
- Ang pangutana nga kinahanglan nimong tubagon: Unsa nga kasingkasing (sa ibabaw o sa ubos) ang gusto nimo nga mahimong imong kinabuhi?



GAMAY NGA TUDLO: ANG IMONG DESISYON

Sa gamay nga tudlo, among gibutang kini nga kamatuoran:

Kung gusto nimo ang sa IBABAW NGA KASINGKASING nga magrepresentar sa imong kinabuhi, KINAHANGLANG MOTOO KA KANG KRISTO UG DAWATON SIYA SA IMONG KASINGKASING.

Giunsa nimo pagdawat si Kristo? Imong gidawat Siya sa usa ka yano nga pag-ampo. Palihug tun-i pag-ayo ang pag-ampo sa ubos:

“Ginoong Diyos sa langit, salamat nga Imong gihigugma ako ug gusto Mo akong hatagan ug kinabuhing dayon ug madagayaang kinabuhi. Giangkon nako nga ako usa ka makasasala. Pasayloa ako sa tanan nakong mga sala. Ginoong Hesus, mituo ako nga ikaw namatay alang sa akong mga sala. Nagatoo ako nga Ikaw nabanhaw pag-usab nga mao ang Bugtong Dalan ngadto sa Dios. Giablihan ko na karon ang pultahan sa akong kasingkasing ug gidawat ko Ikaw isip akong Manluluwas ug Ginoo. Itugyan ko karon Kanimong ang trono sa akong kinabuhi. Kuhaa ang bug-os nga kontrol sa akong kinabuhi ug tabangi ako sa pagsunod Kanimong gikan karon. Kini ang akong pag-ampo sa ngalan ni Jesus. Amen.”

Ang pag-ampo ba sa ibabaw nagpahayag sa tinguha sa imong kasingkasing? Andam ka ba nga itugyan ang trono sa imong kasingkasing aron madawat si Kristo isip Ginoo ug Manluluwas sa imong kinabuhi? Kung andam ka, kinasingkasing natong iampo kini nga pag-ampo.

PALAD: KASIGUROHAN DIHA NI KRISTO

Sa PALAD sa atong kamot ibutang nato ang kamatuoran mahitungod sa KASIGUROHAN DIHA NI KRISTO.

Giampo ba nimo kana nga pag-ampo sa Diyos nga kinasingkasing? Ang Dios lamang ang makakita sa imong kasingkasing. Sa higayon nga mag-ampo ka niini nga pag-ampo sa tinuod nga pagtuo, si Kristo nagsaad siya nga mosulod sa imong kasingkasing. Siya mopasaylo sa tanan nimong mga sala, ug ikaw matawo pag-usab. Atong basahon ang Juan 1:12-13:

12 Apan sa tanan nga midawat kaniya, ngadto kanila siya mihatag sa katungod nga mahimong mga anak sa Dios, ngadto kanila nga mosalig sa iyang ngalan: 13 nga natawo, dili sa dugo, ni sa kabubut-on sa unod, ni sa kabubut-on sa tawo, apan sa Dios.

Nakita ba nimo kana? Sa diha nga imong nadawat si Kristo sa imong kasingkasing ikaw natawo pag-usab. Kini nagpasabot nga karon mao ang imong espirituhanon nga adlaw nga natawhan! Ug karon, ang Dios naghatag kanimo sa doble nga gasa sa kinabuhing dayon ug madagayaon nga kinabuhi.

Palihug tun-i pag-usab ang dayagram sa ibabaw; itandi ang duha ka kasingkasing:

- Ang kasingkasing sa ubos nagrepresentar sa dili-Kristohanon: ang KAUGALINGON (“Ako”) naglingkod sa trono, ug si Kristo (+) nagbarog sa gawas; kini nga tawo anaa sa dalan paingon sa impyerno.
- Ang kasingkasing sa ibabaw nagrepresentar sa Kristohanon: Si Kristo (+) naglingkod sa trono, ug ang KAUGALINGON (“Ako”) mitugyan na karon kang Kristo. Tungod kay imong nadawat si Kristo

isip imong Manluluwas ug Ginoo, kini nga kasingkasing karon nagrepresentar sa imong kinabuhi. Natawo ka pag-usab, ug karon anak ka na sa Dios! Anaa ka na karon sa dalan sa langit.

Isip usa ka anak sa Dios, makadawat ka ug DUHA KA GASA:

- **UNANG GASA: KINABUHI NGA WALAY KATAPUSAN.**

Mao kini ang saad sa 1 Juan 5:11-12: ***Ug kini mao ang pagpamatuod: nga ang Dios naghatag kanato sa kinabuhing dayon, ug kini nga kinabuhi anaa sa Iyang Anak. Ang nakabaton sa Anak may kinabuhi; ang wala makaangkon sa Anak sa Dios walay kinabuhi.***

Kini mao ang saad ug garantiya sa Dios. Tungod kay anaa kanimo si Kristo diha kanimo, ikaw adunay kinabuhing dayon, tungod kay ang kinabuhing dayon makaplagan diha kang Kristo. Ang kinabuhing dayon wala magdepende sa pagka miyembro sa bisan unsang relihiyon o simbahan. Nagdepende lamang kini kang Kristo nga nagkinabuhi ug nagmando sa imong kasingkasing. Ang kinabuhing dayon nagpasabot nga naa na si Kristo sa imong kasingkasing, sigurado ka nga mabuhi ka uban sa Diyos hangtod sa kahangturan sa langit pagkahuman sa imong yutan-ong panaw.

- **IKADUHANG GASA: MADAGAYAONG KINABUHI.**

Apan dili lamang ikaw makasalig sa pagpuyo uban sa Dios sa umaabot nga adlaw sa kahangturan, apan ang Dios nagpasalig kanimo nga sukad karon, Siya sa kanunay magauban kanimo pinaagi sa gahum sa Balaang Espiritu, isip imong Amahan, Tigpanalipod ug Tighatag. Mao kini ang madagayaong kinabuhi nga gisaad sa Juan 10:10, ug ang mga panalangin niining madagayaong kinabuhi gigarantiyahan sa saad sa Dios sa Mateo 6:33: ***Apan pangitaa pag-una ang gingharian sa Dios ug ang Iyang pagkamatarung, ug kining tanan nga mga butanga igadugang ra kaninyo. .***

Namatikdan ba nimo kanang mga pulonga: TANANG MGA BUTANG Idugang NIMO. Uban ni Kristo sa imong kasingkasing, ang Dios nagsaad sa paghatag sa tanan nimong mga panginahanglan niini nga kinabuhi. Ang Dios mao na ang imong langitnong Amahan, ug ikaw Iyang anak, ug Siya nagsaad sa paghatag sa tanan nimong mga panginahanglan niini nga kinabuhi, sa igo ug madagayaon!

Apan, kini nga saad adunay usa ka kondisyon nga gilakip niini; atong basahon pag-usab ang bersikulo: ***Apan pangitaa pag-una ang gingharian sa Dios ug ang Iyang pagkamatarung, ug kining tanang mga butanga igadugang ra kaninyo.***

Unsay buot ipasabot niini? Ang gingharian sa Dios ug ang Iyang pagkamatarung nagpasabot nga ang Dios adunay pinasahi nga plano sa imong kinabuhi. Ang Dios adunay pinasahi nga buluhaton ug misyon nga imong buhaton niining kinabuhia. Ang Dios nagsaad nga, kon imong himoon ang Iyang plano ug ang Iyang misyon nga prayoridad sa imong kinabuhi, Siya mogarantiya nga ang tanang ubang mga butang nga imong gikinahanglan sa kinabuhi mahatag.

Busa, ang pangutana karon mao: UNSAY SUNOD?

Ang sunod nga lakang mao ang pagdiskobre sa plano sa Dios alang sa imong kinabuhi ug sa pagpangita sa Iyang misyon para kanimo. Importante alang kanimo - ug sa matag Kristohanon - ang pagpadayon sa pagtuon sa Pulong sa Dios, ang Bibliya, aron masabtan nga tin-aw ang plano ug misyon sa Dios. Gisugo ni Kristo ang tanan nga misalig Kaniya magpadayon sa Iyang Pulong:

31 Unya si Jesus miingon sa mga Judio nga mituo kaniya, “Kon kamo magpadayon sa akong pulong, kamo tinuod gayod nga akong mga tinun-an. 32 Ug mahibaloan ninyo ang kamatuoran, ug ang kamatuoran maghatag kaninyog kagawasan.” (Juan 8:31-32)

Kami nagdapit kanimo sa pag-apil kanamo samtang kami nagpadayon sa pagtuon sa Bibliya aron madugangan ang kahibalo bahin sa katuyoan ug buluhaton sa Diyos sa imong kinabuhi.

LEKSYON 2. ANG PULONG

TUMONG SA LEKSYON: Ang pag-ila kon kinsa si Kristo, ug ang pagbaton ug hustong relasyon uban Kaniya. Palihog basaha ang Juan 1:1-14.

Kung naa kay sulat sa koreyo, kinsay naghatud sa sulat kanimo? Ang kartero, di ba?

Nahibalo ka ba kon kinsa ang naghatod sa mensahe sa gugma sa Diyos kanimo? Dili, dili kadto usa ka anghel. Mahibulong ka sa pagkahibalo nga gipadala sa Dios ang Iyang kaugalingong Anak aron sa paghatod sa Iyang mensahe sa gugma. Sa Juan 1:1-14 gisultihan kita sa pipila ka mga butang mahitungod sa Anak sa Dios ug mahitungod sa Iyang unang pag-anhi sa kalibutan.

1. Sa Juan 1:1 ang Anak sa Dios gipaila nga “ang Pulong”. Kini mao ang usa sa Iyang daghang mga ngalan; Ang Iyang ubang mga ngalan naglakip ni Hesus, Kristo, Anak sa Tawo, Manluluwas, Ginoo, Maayong Magbalantay, ug daghan pa. Ingon nga Pulong, unsa ang tulo ka kamatuoran bahin sa Anak sa Diyos ang angay natong mahibaloan? Palihog basaha ang Juan 1:1

“Sa sinugdan mao ang Pulong, ug ang Pulong uban sa Dios, ug ang Pulong mao ang Dios.” (Juan 1:1

- (a) Sa sinugdan ang Pulong anaa na. Ang paglungtad sa Pulong wala magsugod GIKAN sa sinugdan; SA sinugdan ang Pulong anaa na.
- (b) Ang Pulong uban sa Dios sa sinugdan. Ang mga eskolar nag-ingon nga ang Gregong preposisyon nga BENTAHAN (“uban”) nagpasabot nga ang Pulong mao “sa nawong ug nawong pakig-uban” sa Diyos. Sa laing pagkasulti, sa sinugdan ang duha ka Persona, ang Dios nga Amahan ug ang Iyang Anak nga Pulong, adunay nawong sa nawong nga relasyon diin sila nakig-uban sa usag usa.
- (c) Ang Pulong mao ang Dios. Sa laing pagkasulti, ang Pulong miambit sa kinaiya sa pagka-Dios; Ang Dios nga Amahan adunay kinaiya sa pagka-Dios; Ang Iyang Anak ang Pulong usab adunay samang kinaiya sa pagka-Dios.

2. Atong basahon ang Juan 1:3.

Ang tanang mga butang nangahimo pinaagi Kaniya, ug kon wala siya walay bisan unsang butang nga nahimo niadtong nahimo na. (Juan 1:3)

Sumala niini nga bersikulo unsa ka importante ang Pulong kalabut sa tanang binuhat nga mga butang? Ang tanang butang gibuhat pinaagi sa Pulong; ug kung wala ang Pulong, walay bisan unsa nga milungtad. Hunahunaa kung unsa ka mahinungdanon ang Pulong! Tan-awa sa ibabaw nimo ang kalangitan... kung wala ang Pulong wala untay mga bituon, walay mga galaksiya, walay adlaw, walay yuta o bisan unsa nga planeta. Tan-awa ang imong palibot ug sa ubos nimo... ang mga kahoy ug mga bulak ug mga langgam ug tanang mga mananap, ang mga isda ug mga linalang sa dagat ug ang mga buhing butang nga nagpuyo sa sulod sa yuta – walay usa niini nga mahimong milungtad kon wala ang Pulong.

3. Atong basahon ang Juan 1:4.

Diha kaniya ang kinabuhi, ug ang kinabuhi mao ang kahayag sa mga tawo. (Juan 1:4)

Unsa ka importante ang Pulong kalabut sa kinabuhi? Diha sa Pulong mao ang kinabuhi. Kini nagpasabot dili lamang nga ang Pulong buhi. Labaw pa niana, ang Pulong adunay gahum sa kinabuhi, ug kini nga kinabuhi nga Iyang gihatag ngadto sa buhi nga mga binuhat nga Iyang gilalang. Ang tanang buhing butang (lakip ang mga tawo) utang ang ilang kinabuhi ngadto sa Pulong.

4. Isip usa ka tawo ikaw usa ka binuhat ug ikaw adunay kinabuhi. Base sa Juan 1:3-4, unsa ka importante ang Pulong sa imong pagkahimong usa ka tawo, ug sa imong pagkinabuhi karon? Hunahunaa kini. Anaa ka niining kalibutana tungod kay ang Pulong naghatag kanimo ug kinabuhi. Ikaw adunay kinabuhi ug imong natagamtam ang mga panalangin sa kinabuhi, tungod kay ang Pulong naghatag kanimo niana nga kinabuhi.

5. Atong nadiskobrehan sa Juan 1:1 nga ang Pulong adunay kinaiya sa Dios. Apan, bisan pa sa taas kaayo nga posisyon sa Pulong isip Dios, unsay Iyang gibuhat? Atong basahon ang Juan 1:14?

Ug ang Pulong nahimong tawo ug mipuyo uban kanato, ug nakita namo ang iyang himaya, ang himaya nga iya sa bugtong nga Anak sa Amahan, puno sa grasya ug kamatuoran. (Juan 1:14)

(a) Ang Pulong nahimong unod. Kini nagpasabot nga Iyang gikuha ang kinaiya sa usa ka tawo; Natawo siya ingon nga tawo dinhi sa kalibutan.

(b) Natawo siya ni Maria pinaagi sa milagro sa pagkahimugso sa ulay. Kini nagpasabot nga si Maria nagmabdos nga walay bisan unsang pakighilawas sa bana; hinoon, ang bata naporma sa iyang sabakan pinaagi sa gahum sa Balaang Espiritu sa Dios lamang, nga walay pag-apil sa tawhanong amahan. Atong basahon ang Lucas 1:26-35.

26 Karon sa ikaunom nga bulan ang manolunda nga si Gabriel gipadala sa Dios ngadto sa usa ka syudad sa Galilea nga ginganlan og Nazaret, 27 ngadto sa usa ka berhin nga kaslonon sa usa ka lalaki kang kansang ngalan mao si Jose, sa balay ni David. Ug ang ngalan sa birhen mao si Maria. 28 Ug sa misulod ang manolonda, miingon kaniya: Paglipay, ikaw nga nahimut-an pag-ayo, ang Ginoo uban kanimo; bulahan ikaw sa mga kababayan-an!”[c]

Bag-ong Kinabuhi

Libro 1

29 Apan sa diha nga siya nakakita kaniya, siya nalibog sa iyang gisulti, ug naghunahuna kon unsa nga matang sa pagtimbaya kini. 30 Unya ang anghel miingon kaniya, “Ayaw kahadlok, Maria, kay ikaw nakakaplag ug pabor sa Diyos. 31 Ug tan-awa, ikaw manamkon sa imong sabakan ug manganak ug usa ka Anak nga lalaki, ug tawgon ang iyang ngalan JESUS. 32 Siya mahimong bantugan, ug pagatawgon nga Anak sa Kahitas-an; ug ang Ginoong Dios maghatag kaniya sa trono sa iyang amahan nga si David. 33 Ug siya mo hari ibabaw sa panimalay ni Jacob hangtod sa kahangtoran, ug ang iyang gingharian walay katapusan.”

34 Unya si Maria miingon sa anghel, “Unsaon pagkahimo niini, nga sukad wala man ako nagdulog ug usa ka lalaki?”

35 Ug ang manolunda mitubag ug miingon kaniya: Ang Espiritu Santo mokunsad kanimo, ug ang gahum sa Kahitas-an mopandong kanimo; busa mahimugso gikan kanimo ang usa ka Baala-an ug pagatawgon nga anak sa Dios (Lucas 1:26-35)

(c) Sa dihang natawo ang bata, gihatagan Siya ug duha ka ngalan. Atong basahon ang Mateo 1:20-23.

21 Ug siya magahimugso sa usa ka anak nga lalake, ug pagatawgon mo ang iyang ngalan HESUS, kay siya magaluwas sa iyang katawhan gikan sa ilang mga sala. 22 Busa kining tanan nahitabo aron matuman ang gisulti sa Ginoong pinaagi sa propeta, nga nag-ingon: 23 “Tan-awa, ang ulay magsabak, ug manganak ug usa ka Anak nga lalaki, ug ilang tawgon ang iyang ngalan nga Emmanuel,” nga ang hubad, “Ang Dios uban kanato.” (Mateo 1:21-23)

Ang Iyang ngalan nga JESUS (bersikulo 21) nagpahibalo sa katuyoan sa Iyang pag-anhi sa kalibutan: ang pagluwas sa Iyang katawhan gikan sa ilang mga sala. Ang Iyang ngalan nga IMMANUEL (bersikulo 23) mihatag og gibug-aton nga Siya dili ordinaryo nga tawo; Siya mao ang tinuod nga Anak sa Dios nga mikuha sa Iyang kaugalingon sa kinaiya sa tawo aron sa pagdala sa mensahe sa Dios sa gugma ngadto sa mga tawo. Atong basahon ang Juan 3:16.

Kay gihigugma pag-ayo sa Dios ang kalibutan nga tungod niana gihatag niya ang Iyang bugtong nga Anak, aron ang tanan nga mosalig kaniya dili malaglag kondili may kinabuhi nga walay katapusan. (Juan 3:16)

KINAIYA SA TAWO NGADTO SA ANAK SA DIOS

6. Ang Anak sa Dios nahimong tawo aron sa pagsulti sa mga tawo sa gugma sa Dios. Apan unsa ang kinaiya sa mga tawo ngadto Kaniya? Trahedy ug makapasubo ang istorya. Atong basahon ang Juan 1:10-11.

10 Dinhi siya sa kalibutan, ug ang kalibutan nahimo pinaagi kaniya, ug ang kalibutan wala makaila kaniya. 11 Mianhi siya sa iyang kaugalingon, ug ang iya [d] wala modawat kaniya. (Juan 1:10-11)

- (a) Ang Iyang kaugalingong kabuhatan, ang mga tawo nga nakautang sa ilang kinabuhi ug pagkaanaa Kaniya, wala makaila Kaniya (bersikulo 10).
- (b) Ang Iyang kaugalingong pinili nga katawhan, ang nasod nga Iyang gipili gikan sa tanang kanasoran sa kalibotan aron mahimong Iyang piniling katawhan, ang mga Judio, wala modawat Kaniya (bersikulo 11).

7. Ibutang ta nga didto ka na sa unang pag-anhi ni Jesus, ug nahibal-an na nimo ang mga kamatuoran mahitungod kang Jesus (ang Pulong) nga gihisgutan sa Juan 1:1-4, nga Siya mao ang Dios, nga Iyang gilalang ang tanan, ug nga Siya naghatag ug kinabuhi kanimo ug sa tanang katawhan. Unsa ang imong isulti niadtong mga tawo nga misalikway kang Kristo? Lagmit, tawgon nimo sila nga "dili mapasalamaton". Sa panultihon, tawgon nimo silag "Walay utang nga kabubuton!"

8. Salamat sa Diyos, dili tanan nagsalikway kang Jesus. Atong basahon ang Juan 1:12.

Apan ang tanan nga midawat Kaniya, kanila Iyang gihatag ang katungod nga mahimong mga anak sa Dios, niadtong mosalig sa Iyang ngalan. (Juan 1:12)

- (a) Sumala niini nga bersikulo, unsay kinaiya sa pipila ka tawo kang Jesus?
- (b) Sumala usab niini nga bersikulo, unsa ka dakong panalangin ang gihatag ngadto sa mga tawo nga mituo ug midawat kang Jesus?

9. Kadtong mituo ug midawat kang Jesus gihatagan ug panalangin nga tawgon nga mga anak sa Dios! Sila gisagop ngadto sa pamilya sa Dios.

10. Sa sukwahi, kadtong misalikway kang Jesus gisultihan nga ang ilang amahan mao ang yawa; sa laing pagkasulti, sila mga anak sa yawa. Atong basahon ang Juan 8:44.

Kamo iya sa inyong amahan nga yawa, ug ang mga tinguha sa inyong amahan buot ninyong pagabuhaton. Siya usa ka mamumuno sukad pa sa sinugdan, ug wala mobarug sa kamatuoran, tungod kay walay kamatuoran diha kaniya. Sa diha nga siya magasulti ug bakak, siya nagasulti gikan sa iyang kaugalingong mga kapanguhaan, kay siya bakakon ug ang amahan niini.

DUHA KA KLASE SA TAWO

11. Niini nga pagtuon atong nahibaw-an ang mahitungod sa duha ka matang sa mga tawo – usa ka grupo MIDAWAT kang Kristo, lain nga grupo MISALIKWAY Kaniya. Asa nga grupo gusto nimo mahisakop? Kon gusto kang mahisakop sa grupo nga midawat kang Jesus, pag-ampo niini nga pag-ampo:

Ginoong Hesukristo, nagpasalamat ako Kanimo sa paglalang kanako ug paghatag kanakog kinabuhi. Gikasubo ko nga daghang mga tawo ang nagsalikway kanimo. Apan gusto ko nga isulti Kanimo, Ginoong Jesus, nga mituo ako Kanimo ug gidawat ko Ikaw sa akong

MEMORYAHA:

Juan 1:1 – Sa sinugdan mao na ang pulong, ug ang pulong uban sa Dios, ug ang pulong mao ang Dios.

LEKSYON 3. ANG KORDERO SA DIOS

TUMONG SA LEKSYON: Aron madiskobrehan ang katuyoan ngano nga si Kristo mianhi sa kalibutan, ug ang pagtugot Kaniya sa pagtuman niana nga katuyoan dinhi kanato.

Sa miaging leksyon atong nakat-unan nga sa sinugdan ang Anak sa Dios gitawag nga Pulong. Niini nga leksyon atong makat-unan ang mahitungod sa lain sa iyang mga ngalan.

1. Sa unsang ngalan gitawag ni Juan Bautista si Jesus? Palihog basaha ang Juan 1:29?

Sa pagka sunod nga adlaw, nakita ni Juan si Jesus nga nagapadulong ngadto kaniya, ug nagkanayon, “Tan-awa! Ang Kordero sa Dios nga nagakuha sa sala sa kalibutan!

2. Si Juan Bautista mitawag kang Jesus ingon nga Kordero sa Dios. Sumala sa Juan 1:29, unsa ang katuyoan ni Jesus isip Kordero sa Dios? Ingon nga Kordero sa Dios Iyang kuhaon ang mga sala sa kalibutan.

3. Ang nating karnero usa ka batan-ong karnero. Sa Daang Tugon gihatag sa Dios ang nating karnero isip simbolo ni Hesus-Kristo. Palihog tun-i ang Levitico 4:32, 33, 35 .

Ug kong usa ka nating Karnero ang iyang ihalad ingon nga iyang halad-tungod-sa-sala, magadala siya ug usa ka baye nga walay ikasaway. Unya igabutang niya ang iyang kamot sa ulo sa halad-tungod-sa-sala, ug kini pagapatyon niya ingon nga halad-tungod-sa-sala sa dapit diin ginapatay nila ang halad-nga-sinunog... siya.

- Ang karnero kinahanglang walay buling. Si Jesus, ingon nga Kordero sa Dios, walay sala.

- Ang naghalad kinahanglang ibutang ang iyang kamot sa ulo sa karnero. Sa Daang Tugon, kini nga pagpandong sa kamot sa ulo sa nating karnero nagsimbolo sa pagbalhin sa mga sala sa makasala ngadto sa nating karnero. Diha sa krus ang tanang kasal-anan sa kalibutan gibalhin ngadto kang Jesus ingon nga Kordero sa Dios.

- Unya ang nating karnero ihawon isip halad o pagtabon sa sala sa naghalad. Sa krus, si Jesus namatay aron sa pagbayad sa mga sala sa kalibutan nga gibalhin ngadto Kaniya.

- Tungod sa sakripisyo, unsa ang gibuhay sa Dios sa sala sa naghalad? Ang mga sala sa naghalad gipasaylo sa Dios tungod kay kini gibayran na pinaagi sa halad sa nating karnero. Bisan pa niana,

karon ang Dios mopasaylo sa mga sala ni bisan kinsang tawo nga mosalig kang Jesus ingon nga iyang halad nga karnero.

4. Sa dihang si Kristo mianhi sa kalibutan, Siya nahimong Kordero sa Dios. Tun-i ang 1 Pedro 3:18 sa ubos ug tan-awa unsay nahimo ni Kristo alang kanato isip Kordero sa Dios.

Kay si Cristo usab miantos sa makausa alang sa mga sala, ang matarung alang sa mga dili matarung, aron kita madala niya ngadto sa Dios, nga gipatay diha sa unod, apan gibuhi pinaagi sa Espiritu.

- Kinsay walay sala, si Jesus o kitang mga tawo? Si Jesus walay sala; kita nga mga tawo mao ang mga makasasala.
- Kita, mga makasasala, angayan nga mamatay alang sa atong kaugalingong mga sala; apan unsa ang gibuhay ni Jesus alang kanato? Si Jesus namatay alang kanato; Siya nahimong atong Kapuli, nga mikuha sa atong silot.
- Unsa ang katuyoan sa kamatayon ni Jesus? Si Jesus namatay aron kita mabalik sa Dios.

5. Nganong gikinahanglan nato si Kristo ingon nga atong puli nga halad sa Kordero?

- Kinahanglan nato si Kristo tungod kay wala kitay hingpit nga pagkamatarong nga ikatanyag sa Diyos. Sumala sa Isaias 64:6, unsay pagtan-aw sa Diyos sa atong tawhanong pagkamatarong?

Apan kaming tanan sama sa usa ka mahugaw nga butang, ug ang tanan namong pagkamatarong sama sa mahugaw nga mga sapot.

- Sumala sa 1 Pedro 2:22 ug Hebreohanon 4:15, unsa nga matang sa pagkamatarong ang nabatongan ni Kristo?

1 Pedro 2:22: "Nga wala makabuhay ug sala, ni hingkaplagan ang limbong sa iyang baba"

Hebreohanon 4:15: Kay kita walay usa ka Labawng Pari nga dili malooy sa atong mga kaluyahon, kondili sa tanang paagi gitintal sama kanato, apan walay sala.

- Kinahanglan nato si Hesus isip atong Kapuli nga halad sa Kordero tungod kay ang kaluwasan – kapasayloan sa mga sala ug kinabuhing dayon – libre nga gasa sa Dios. Sumala sa mosunod nga mga bersikulo, unsa ang husto nga paagi aron maangkon ang kaluwasan?

Mga Taga-Efeso 2:8-9: Kay tungod sa grasya kamo nangaluwas pinaagi sa pagtoo, ug kana dili sa inyong kaugalingon; kini mao ang gasa sa Dios, dili sa mga buhat, aron walay bisan kinsa nga magpasigarbo.

Tito 3:5: Dili tungod sa mga buhat sa pagkamatarong nga atong nahimo, kondili sumala sa Iyang kaluoy giluwag kita niya, pinaagi sa paghugas sa bag-ong pagkatawo ug pagbag-o sa Espiritu Santo.

6. Sa Daang Tugon, sa wala pa moanhi si Hesus, ang makasasala mismo kinahanglang mohalad sa iyang kaugalingong sakripisyo. Karon nga si Hesus mianhi ug namatay na alang sa mga sala sa tibuok kalibutan, dili na kita kinahanglan nga magdala pa ug mananap ngadto sa templo; kinahanglan lamang nato nga mosalig kang Kristo ug modawat Kaniya sa personal isip atong halad sa Kordero.

- Nadawat na ba nimo si Jesus isip imong Kordero ug Manluluwas gikan sa sala? Kanus-a nimo Siya nadawat?

- Kon wala pa nimo Siya madawat, andam ka na bang modawat ni Jesus karon isip imong Manluluwas? Kung gusto nimo nga dawaton Siya, palihug pag-ampo kini nga pag-ampo nga kinasingkasing:

Ginoong Jesus, mituo ako nga Ikaw mao ang Kordero sa Dios nga nagawagtang sa mga sala sa kalibutan, lakip sa akong mga sala. Salamat sa imong pagpakamatay sa krus ingon nga akong kapuli nga sakripisyo sa Kordero. Mituo ko Kanimo ug gidawat ko Ikaw isip akong Manluluwas ug Ginoo. Tabangi ako nga mosalig Kanimo aron hatagan ako ug padayon nga kadaugan batok sa sala gikan karon. Amen.

MEMORYAHON:

Juan 1:29 – Tan-awa, ang Kordero sa Dios nga nagakuha sa sala sa kalibutan. — Juan 1:29

LEKSYON 4. ANG TEMPLO SA DIOS

TUMONG SA LEKSYON: Aron makaamgo nga kita templo sa Dios, ug nga si Kristo mianhi aron sa paghinlo sa atong mga kinabuhi aron mahimo kitang takus nga puloy-anan sa Dios. Palihog basaha ang Juan 2:13-25.

1. Ang pisikal nga templo sa Jerusalem mao ang tinukod nga gipahinungod sa pagsimba ug pag-alagad sa Diyos. Hinuon, unsa ang nakita ni Jesus sa sulod sa templo sa Jerusalem? (Palihug basaha ang Juan 2:14 .) Nakita ni Jesus ang mga tigbaligya ug mga baligya nga gibaligya sa hawanan sa templo.

2. Unsa ang gibuhay ni Jesus niadtong mga butang nga dili makita sa templo? (Palihug basaha ang Juan 2:15.)

Gipapahawa ni Jesus sa hawanan sa templo ang mga tigbaligya ug ang ilang mga baligya.

3. Para sa unsa nga katuyuan dapat gamiton ang templo? Apan unsay gihimo sa mga tawo sa templo sa Jerusalem? Palihog basaha ang Juan 2:16 .

Ang templo gipahinungod alang sa pagsimba ug pag-alagad sa Dios lamang. Bisan pa, gihimo kini sa mga tawo nga usa ka merkado aron makaganansya sa yutan-on nga materyal alang sa ilang kaugalingon.

4. Ang templo sa Jerusalem dugay nang naguba. Apan adunay usa ka templo nga nagpadayon sa paglungtad karon. Palihug tun-i ang 1 Corinto 6:19-20:

O wala ba kamo mahibalo nga ang inyong lawas mao ang templo sa Balaang Espiritu nga anaa kaninyo, nga inyong nabatongan gikan sa Dios, ug kamo dili inyong kaugalingon? Kay gipalit kamo sa usa ka bili; busa himayaa ang Dios sa inyong lawas ug sa inyong espiritu, nga iya sa Dios.

- Unsa ang katuyuan sa Dios alang sa atong lawas?

Gituyo sa Dios ang atong lawas nga magsilbi nga iyang templo.

- Kinsa ang angay nga magpuyo sa atong lawas?

Ang Balaang Espiritu kinahanglan nga magpuyo sa atong lawas.

5. Ang atong lawas templo sa Dios. Gusto sa Dios nga magpuyo sa sulod nato. Apan sumala sa Marcos 7:21-23 unsa nga mahugaw nga mga butang ang kasagaran natong ibutang sa templo sa atong lawas?

Kay gikan sa sulod, gikan sa kasingkasing sa mga tawo, nagagula ang dautang mga hunahuna, mga pagpanapaw, mga pakighilawas, mga pagpatay, mga pangawat, mga kahakog, mga pagkadautan, mga paglimbong, mga kaulag, ang usa ka dautang mata, ang pagpasipala, ang garbo, ang kabuangan. Kining tanan nga mga dautang butang nagagikan sa sulod ug nagahugaw sa tawo.

6. Sa samang paagi nga gihinloan ni Jesus ang templo sa Jerusalem, bisan pa niana gusto Niyang hinloan ang atong kinabuhi karon. Gihangyo ba nimo si Jesus nga mosulod sa

imong kasingkasing ug tangtangan ang tanan nga daotan nga mga butang nga naghimo kanimo nga dili takus nga mahimong templo sa Dios?

7. Palihug basaha ang Juan 2:23-25.
 - a. Pila ka tawo ang mituo kang Jesus niadtong panahona?
 - b. Nganong wala man itugyan ni Hesus ang iyan kaugalingon nidation mituo kaniya?
 - c. Mituo ka kang Jesus; maayo kana. Apan ang pangutana mao: Mituo ba si Jesus kanimo?
8. Itandi ang eksperiensia sa mga Kristohanon sa ciudad sa Corinto sa panahon ni apostol Pablo. Atong basahon pag-ayo ang 1 Corinto 6:9-11:

9 O wala ba kamo mahibalo nga ang mga mamumuhat ug daotan dili makapanunod sa gingharian sa Diyos? Ayaw kamo pagpalimbong: Bisan ang mga makihilawason o mga tigsimbag mga diosdios o mga mananapaw o mga lalaki nga nakighilawas sa mga lalaki 10 o mga kawatan o mga dalo o mga palahubog o mga tigbutangbutang o mga mangingilad dili makapanunod sa gingharian sa Diyos. 11 Ug ingon niana ang pipila kaninyo kaniadto. Apan gihugasan na kamo, gibalaan na kamo, gipakamatarong na kamo sa ngalan sa Ginoong Jesu-Cristo ug sa Espiritu sa atong Diyos.

Sa karaang Gresya, sa panahon ni apostol Pablo, ang siyudad sa Corinto nabantog sa pagkahimong labing daotang panig-ingnan sa "siyudad sa sala". Sa pagkatinuod, sa dihang ang usa ka tawo gihulagway nga "nagkinabuhi sama sa usa ka taga-Corinto", kana nagpasabot nga siya usa ka daotan kaayo, imoral nga tawo.

- a. Gikan sa 1 Mga Taga-Corinto 6:9-10 (sa ibabaw), ilista ang mga matang sa mga makasasala nga nakit-an ni apostol Pablo sa Corinto.
- b. Apan sumala sa 1 Mga Taga-Corinto 6:11, sa dihang ang Ebanghelyo ni Kristo miabot sa Corinto daghan niining mga makasasala ang mituo ug nausab. Palihug timan-i ang mapuangoron nga mga buhat sa Dios sa ilang kinabuhi:
 - *Sila gihugasan: gilimpyohan pinaagi sa dugo ni Jesukristo. Palihog basaha ang 1 Juan 1:7.*

Apan kon kita magalakaw diha sa kahayag ingon nga siya anaa sa kahayag, kita adunay pakig-ambitay ang usa sa usa, ug ang dugo ni Jesu-Cristo nga iyang Anak nagahinlo kanato gikan sa tanang sala.

- Sila gibalaan: gipili gikan sa makasasala nga kalibutan ug gilain ilabi na alang sa Dios. Palihog basaha ang Efeso 1:4 .

Ingon nga Iya kitang gipili diha Kaniya sa wala pa ang pagkatukod sa kalibutan, aron kita mahimong balaan ug walay ikasaway sa Iyang atubangan diha sa gugma.

- Sila gipakamatarung: ang tanan nilang negatibo nga kahimtang sa sala gipasaylo ug gihatagan sila ug positibo nga kahimtang diha kang Kristo. Palihog basaha ang Efeso 1:7 .

Diha Kaniya kita adunay katubsanang pinaagi sa Iyang dugo, ang kapasayloan sa mga sala, sumala sa kadagaya sa Iyang grasya.

- Kining tanan nga balaanong grasya nahimong posible sa ngalan ni Ginoong Jesukristo ug pinaagi sa Espiritu sa atong Dios.

- Isip resulta, kining kanhing mga makasasala sa Corinto nahimong templo sa buhing balaang Diyos! Palihug basaha pag-usab ang 1 Mga Taga-Corinto 6:19-20 (tan-awa ang Pangutana 4 sa ibabaw).

9. Mahimong maghunahuna ka nga ikaw ang pinakagrabe nga makasasala sa kalibotan sama sa mga taga-Corinto. Apan mosalig ka ba kang Jesus karon ug motugot Kaniya sa paghinlo kanimo ug paghimo kanimo nga Iyang templo? Kon mao, palihug kinasingkasing nga pag-ampo sa ubos:

Ginoong Hesus, uban sa kaulaw ug kasubo giangkong ko nga gitugotan ko ang tanan nga mga matang sa daotan ug mahugaw nga mga sala nga magpuyo sa akong kinabuhi. Apan karong adlaw mituo ako Kanimo isip bugtong Manluluwas nga makahugas kanako ug makahinlo kanako sa imong bilihong dugo nga gibubo sa krus. Gidawat ko ikaw isip akong Ginoo ug Manluluwas. Nag-usik ako ug daghang panahon sa nangaging pagkinabuhi alang sa kaugalingon ug sa sala ug kang Satanas. Karon, Ginoong Jesus, nag-ampo ako nga imo akong himoon nga usa ka takus ug balaan nga templo alang sa Dios, aron ako mahigugma ug mag-alagad Kanimo sa tibuok nakong kinabuhi. Sa Ngalan ni Jesus ako nag-ampo. Amen.

MEMORYAHON:

1 Mga Taga-Corinto 6:19 – O wala ba kamo mahibalo nga ang inyong lawas mao ang templo sa Balaang Espiritu nga anaa kaninyo, nga inyong nabatongan gikan sa Dios, ug kamo dili inyong kaugalingon? — 1 Corinto 6:19

LEKSYON 5. ANG IKADUHANG PAGKATAWO

TUMONG SA LEKSYON: Aron masabtan kung unsa ang gipasabut sa ikaduhang pagkahimugso aron mahibal-an kung nasinati ba nato kini o wala.

1. Kita nahimong mga sakop sa tawhanong pamilya pinaagi sa pagkahimugso niini. Sumala ni Kristo, unsaon nato pagkahimong mga sakop sa pamilya o gingharian sa Dios? (Palihug basaha ang Juan 3:3)

Aron mahimong sakop sa pamilya sa Dios kinahanglan kitang matawo pag-usab.

2. Sa dihang nadungog ni Nicodemo si Jesus nga naghigot bahin sa ikaduhang pagkahimugso, unsay iyang reaksiyon? (Palihug basaha ang Juan 3:4).

Natingala si Nicodemo. Naghunahuna siya kon sa unsang paagi matawo pag-usab ang hamtong nga tawo. Wala siya makaamgo nga si Jesus naghigot bahin sa espirituhanong pagkatawo, dili pisikal nga pagkatawo.

3. Ang ikaduhang pagkatawo mahitabo pinaagi sa kabubut-on sa duha ka elemento. Unsa kini nga mga elemento? (Palihug basaha ang Juan 3:5).

Si Jesus miingon nga kita kinahanglan matawo pag-usab pinaagi sa tubig ug sa Espiritu.

4. Ang “tubig” nagrepresentar sa unang (pisikal) nga pagkatawo. Atol sa pisikal nga pagkahimugso ang “water bag” sa inahan mabuak sa wala pa matawo ang bata.

Ang “tubig” nagsimbolo usab sa Pulong sa Dios (Palihug basaha ang Efeso 5:26; Juan 15:3). Sa dili pa kita matawo pag-usab kinahanglan una natong madungog o mahibaloan ang Pulong sa Dios nga gimantala sa Maayong Balita sa Ebanghelyo. Palihog tun-i ang 1 Pedro 1:23, 25:

Kay gipakatawo pag-usab, dili sa binhi nga madunot kondili dili madunot, pinaagi sa pulong sa Dios nga buhi ug nagapadayon hangtud sa kahangturan... Karon kini mao ang pulong nga pinaagi sa ebanghelyo giwali kaninyo.

5. Ang “Espiritu” nagtumong sa Balaang Espiritu. Kon kita motuo kang Kristo, ang Dios nagpadala sa Iyang Balaang Espiritu nganhi sa atong mga kasingkasing; ang Balaang Espiritu naghatag kanato ug bag-ong kinabuhi ug nagpasalig kanato nga kita nahimong mga anak sa Diyos. Palihog tun-i ang Roma 8:15-16:

Kay wala kamo makadawat sa espiritu sa pagkaulipon pag-usab ngadto sa kahadlok, kondili nakadawat kamo sa Espiritu sa pagkasinagop nga pinaagi kaniya kita naginggit, "Abba, Amahan." Ang Espiritu Mismo nagpamatuod uban sa atong espiritu nga kita mga anak sa Dios.

6. Sa unsang paagi kita mahimong mga anak sa Diyos? Palihog basaha pag-usab ang Juan 1:12.

Kita mahimong mga anak sa Dios kon kita mosalig ug modawat kang Jesus.

7. Unsa ang kinahanglan nimong buhaton aron makadawat sa kinabuhing dayon? Palihog basaha ang Juan 3:16 .

Kung motuo ka kang Kristo, matawo ka pag-usab ug makadawat ka ug kinabuhing dayon gikan sa Dios.

8. Kinsa ang kinahanglan nga matawo pag-usab? Palihog basaha ang Juan 3:7.

Ang matag tawo kinahanglang matawo pag-usab.

9. Nasinati na ba nimo ang bag-ong pagkatawo? Unsaon nimo pagsiguro nga nasinati nimo ang bag-ong pagkatawo? Sa pisikal nga kinabuhi, giunsa nimo pagkahibalo nga ang usa ka bag-ong natawo nga bata buhi? Bisan pa sa espirituhanon nga kinabuhi, ang usa ka tawo nga tinuod nga natawo pag-usab magpakita sa mosunod nga mga ebidensya:

(a) Kombiksyon ug paghinulsol (Mga Buhat 2:37-38)

37 Karon sa diha nga sila nakadungog niini, sila nasakitan sa kasingkasing, ug miingon ngadto kang Pedro ug sa uban nga mga apostoles, "Mga igsoon, unsa ang among buhaton?" 38 Unya si Pedro miingon kanila: Paghinulsol kamo, ug pabautismo ang tagsatagsa kaninyo sa ngalan ni Jesucristo alang sa kapasayloan sa mga sala; ug kamo makadawat sa gasa sa Espiritu Santo.

(b) Ang sulod nga saksi sa Balaang Espiritu (Roma 8:15-16)

15 Kay wala kamo makadawat sa espiritu sa pagkaulipon pag-usab ngadto sa kahadlok, kondili nakadawat kamo sa Espiritu sa pagkasinagop nga pinaagi kaniya kita nagasinggit, "Abba, Amahan." 16 Ang Espiritu mismo nagpamatuod uban sa atong espiritu nga kita mga anak sa Diyos.

(c) Ang panggawas nga saksi sa usa ka nausab nga kinabuhi (1 Tesalonica 1:9-10; 2 Corinto 5:17).

1 Tesalonica 1:9 Kay sila mismo nagpahayag mahitungod kanamo kon unsa nga paagiha ang among pagsulod nganha kaninyo, ug giunsa ninyo pagtalikod sa Dios gikan sa mga diosdios aron sa pag-alagad sa buhi ug matuod nga Dios, 10 ug sa paghulat sa iyang Anak gikan sa langit, nga iyang gibanhaw gikan sa Dios. ang mga patay, bisan si Jesus nga nagluwas kanato gikan sa kaligutgut nga umalabut.

2 Mga Taga-Corinto 5:17 Busa, kon ang bisan kinsa anaa kang Kristo, siya bag-ong binuhat; ang daan nga mga butang nangagi na; tan-awa, ang tanang mga butang nahimong bag-o.

10. Adunay daghan pang mga ebidensya nga atong tun-an unya. Apan pangutan-a ang imong kaugalingon: Nasinati ko na ba ang mga ebidensiya nga gihisgotan sa ibabaw aron pamatud-an nga ako tinuod nga natawo pag-usab?

MEMORIZE:

Juan 3:3 - Si Jesus mitubag ug miingon kaniya, "Sa pagkatinuod, sa pagkatinuod, magaingon ako kanimo, gawas kon ang usa matawo pag-usab, dili siya makakita sa gingharian sa Dios." — Juan 3:3

LEKSYON 6. TUBIG NGA NAGHATAG-KINABUHI

TUMONG SA LEKSYON: Aron madiskobrehan ang kinabuhi nga tinuod nga makatagbaw. Palihog basaha ang Juan 4:1-26 .

1. Usa ka adlaw si Jesus ug ang Iyang mga disipulo miagi sa siyudad sa Samaria. Samtang ang mga tinun-an nangadto aron sa pagpalit ug pagkaon, si Jesus milingkod tupad sa atabay aron mopahulay. Sa wala madugay, usa ka Samarianhon nga babaye ang miabut aron sa pagkalos ug tubig. Si Jesus nangayo kaniyang tubig nga mainom. Miresulta kini sa ilang panaghisgot bahin sa yutan-ong tubig gikan sa atabay ug sa espirituwal nga tubig nga ihatag ni Jesus.

2. Unsa ang kalainan tali sa tubig gikan sa atabay ug sa tubig nga ihatag ni Jesus? (Palihug basaha ang Juan 4:13-14 .)

Human makainom ug tubig gikan sa atabay, ang usa ka tawo uhawon pag-usab. Apan kon ang usa ka tawo moinom sa tubig nga gihatag ni Jesus, kanang tawhana dili na gayod uhawon. Hinunoa, adunay tuburan sa buhi nga tubig sulod sa iyang pagkatawo.

3. Ang tubig gikan sa atabay nagsimbolo sa mga butang niini nga kalibutan nga dili makatagbaw. Ang tubig nga nagahatag ug kinabuhi gikan kang Jesus nagsimbolo sa madagayaang kinabuhi nga gihatag ni Jesus. Gikan sa imong kasinatian, unsa nga mga butang dinhi sa kalibutan ang imong gisulayan nga makuha, apan sa dihang nakuha nimo kini napamatud-an nga dili kini makapatagbaw?

4. Sa Daang Tugon, gipamatud-an ni Haring Solomon pinaagi sa kasinatian nga ang mga butang niining kalibotana dili gayod makatagbaw.

8. Gikan sa Ecclesiastes 2:1-10 , timan-i ang mga butang ug mga kalihokan nga gisunod ni Haring Solomon.

Ecclesiastes 2:1 Miingon ako sa akong kasingkasing: Umari ka karon, sulayan ko ikaw sa kasadya; busa pahimusli ang kalipay"; apan sa pagkatinuod, kini usab kakawangan man. 2 Miingon ko bahin sa katawa—"Kabuang!"; ug sa kasadya, "Unsa may nahimo niini?" 3 Gisusi ko sa akong kasingkasing kon unsaon pagtagbaw ang akong unod sa bino, samtang gitultolan ko ang akong kasingkasing uban ang kaalam, ug kon unsaon paghawid sa kabuang, hangtod nga makita ko kon unsay maayo nga buhaton sa mga anak sa tawo ilalom sa langit sa tanang mga adlaw sa ilang kinabuhi. kinabuhi. 4 Gibuhat ko nga dagku ang akong mga buhat, nagtukod ako alang sa akong kaugalingon ug mga balay, ug nagtanum ako alang sa akong kaugalingon ug mga kaparrasan. 5 Naghimo ako sa akong kaugalinong nga mga tanaman ug mga prutasan, kag gintamnan ko kini sa tanang matang sa mga kahoy nga nagapamunga. 6 Naghimo ako alang sa akong kaugalingon ug mga linaw nga tubigan aron mabisbisan ang nagtubo nga mga kahoy sa kakahoyan. 7 Nakabaton akog mga sulugoong lalaki ug babaye, ug may mga sulugoon nga natawo sa akong balay. Oo, ako adunay daghan nga mga kahayupan ug mga panon sa karnero kay sa tanan nga didto sa Jerusalem nga una kanako. 8 Gitigom ko usab alang kanako ang plata ug bulawan ug ang espesyal nga mga bahandi sa mga hari ug sa mga probinsiya. Nakabaton akog mga mag-aawit nga lalaki ug babaye, ang mga kalipayan sa mga anak sa mga tawo, ug ang tanang matang sa mga instrumento sa musika. 9 Busa ako nahimong daku ug milabaw sa tanan nga nanghiuna kanako sa Jerusalem. Ingon man usab ang akong kaalam nagpabilin kanako.

10 Bisan unsa nga gitinguha sa akong mga mata wala ko magdumili kanila. Wala ko pugngi ang akong kasingkasing sa bisan unsang kalipayan, Kay ang akong kasingkasing nagmaya sa tanan nakong kahago; Ug kini mao ang akong balus gikan sa tanan nakong kahago.

8. Apan sumala sa Ecclesiastes 2:11 , sa kataposan unsa ang bili niining tanang butanga?

Ecclesiastes 2:11 Unya gitan-aw ko ang tanan nga mga buhat nga nahimo sa akong mga kamot, Ug ang buhat diin ako naghago; Ug sa pagkatinuod ang tanan kakawangan ug paghawid sa hangin. Walay ganansya ilalom sa adlaw.

5. Gikan sa Bag-ong Tugon, atong basahon ang usa ka samingay mahitungod sa usa ka tawo nga migugol sa tibuok niyang kinabuhi sa pagpangita ug pagtigom og materyal nga bahandi dinhi sa kalibotan. Atong mabasa kini nga samingay ni Ginoong Jesus sa Lucas 12:16-21:

16 Unya misulti siya ug usa ka samingay ngadto kanila, nga nag-ingon: “Ang yuta sa usa ka dato nga tawo miani ug daghan. 17 Ug siya naghunahuna sa iyang kaugalingon, nga nag-ingon, ‘Unsa may akong buhaton, kay wala na akoy dapit nga tipigan sa akong mga abot? tipigan ang tanan nakong mga abot ug mga butang. 19 Ug ako moingon sa akong kalag, “Kalag, ikaw adunay daghang mga butang nga natago alang sa daghang mga tuig; pagpahayahay; kaon, inom, ug paglipay.” 20 Apan ang Diyos miingon kaniya, ‘Buang! Niining gabhiona ang imong kalag pagakuhaon kanimo; unya kang kinsang pagbuot ang mga butang nga imong gitagana?’ 21 “Mao usab siya nga nagatibum ug mga bahandi alang sa iyang kaugalingon, ug dil dato ngadto sa Dios.”

(a) Sama sa tawo sa samingay ni Ginoong Jesus, halos tanan karon nagkapuliki sa pagtigom alang sa ilang pagretiro. Apan sumala ni Kristo, unsa ang bili sa bahandi niining kalibutana kon dili usab kita mangandam sa walay kataposang kaugmaon sa atong kalag?

(b) Atong hunahunaon ang pahinumdom ni Kristo sa Mateo 16:26: **Kay unsay kapuslanan sa usa ka tawo kon maangkong niya ang tibuok kalibotan, ug mawala ang iyang kaugalingong kalag? Kun unsa may ikahatag sa usa ka tawo nga baylo sa iyang kalag?**

Usa ka personal nga pangutana: Unsa ang imong gibuhay karon aron makapangandam alang sa walay katapusan nga padulngan sa imong kalag human niini nga kinabuhi?

6. Sumala sa Bag-ong Tugon:

(a) Unsa ang tulo ka butang nga ginatinguhaan sa mga tawo sa kalibutan gawas sa Dios? (1 Juan 2:16)

Kay ang tanan nga anaa sa kalibutan—ang kailibgon sa unod, ang kailibgon sa mga mata, ug ang garbo sa kinabuhi—dili gikan sa Amahan kondili iya sa kalibutan.

(b) Unsa ang katapusan niining tulo ka butang? (1 Juan 2:17a)

Ug ang kalibutan mahanaw....

(c) Sa kasukwahi, kinsay makasiguro sa kinabuhing dayon ug sa malungtarong mga ganti? (1 Juan 2:17b)

... apan siya nga nagabuhat sa kabubut-on sa Dios magapabilin sa walay katapusan.

7. Unsa ang gipangayo sa Babayeng Samarianhon nga mabatonan gikan kang Hesus? (Juan 4:15) Siya mihangyo kang Hesus nga hatagan siyag tubig nga nagahatag ug kinabuhi.
8. Sa wala pa ang Babayeng Samarianhon makabaton sa tubig nga nagahatag ug kinabuhi, unsa ang tulo ka butang nga angay niyang himuon?
 - Una, kinahanglang makadawat siya sa kapasayloan sa Diyos sa iyang mga sala. (Juan 4:16-18)
 - Ikaduha, kinahanglang mahibalo siya nga ang tinuod nga relihiyon o tinuod nga pagsimba sa Diyos kinahanglang diha sa espiritu ug sa kamatuoran ug dili sa pagsimba sa mga diyosdiyos. (Juan 4:19-24)
 - Ikatulo, kinahanglang motuo siya kang Jesus isip iyang Mesiyas o Manluluwas. (Juan 4:25-26)
9. Karon ang mga kinahanglanon sa pagdawat sa tubig nga nagahatag ug kinabuhi o kinabuhing dayon nagpabilin nga mao ra.
 - Una, kinahanglang dawaton nato nga kita mga makasasala, nga nagkinahanglan sa kapasayloan sa Diyos.
 - Ikaduha, kinahanglan natong ilhon nga walay relihiyon nga makaluwas kanato.
 - Ikatulo, kinahanglang motuo kita kang Jesus isip bugtong Manluluwas nga makaluwas kanato, ug kinahanglang dawaton nato Siya sa atong kasingkasing.
10. Aron matuman ang mga kinahanglanon sa ibabaw, mahimo nimong iampo kini nga pag-ampo nga kinasingkasing gikan sa imong kasingkasing:

Balaan ug mahigugmaong Diyos, gusto kong makadawat sa tubig sa kinabuhing dayon. Giangkon ko nga ako usa ka makasasala; Nangayo ako kanimo nga pasayloon ako sa tanan nakong mga sala. Nakaamgo ko nga ang pagkamiyembro sa bisan unsang simbahan dili makahatag kanako og kapasayloan sa mga sala; ug walay relihiyon nga makahatag kanako ug kinabuhing dayon. Si Kristo lamang ang makahatag kanako ug kapasayloan, tungod kay Siya lamang ang namatay alang sa akong mga sala didto sa krus. Si Kristo lamang ang makahatag kanako ug kinabuhing dayon, tungod kay Siya lamang ang nakabuntog sa kamatayon pinaagi sa Iyang

pagkabanhaw gikan sa mga patay. Akong giablihan ang akong kasingkasing ug gidawat si Kristo isip akong Manluluwas ug Ginoo karon. Amen.

MEMORYAHON:

Juan 4:24 – Ang Dios Espiritu, ug ang mga nagasimba kaniya kinahanglang magsimba sa espiritu ug kamatuoran.” — Juan 4:24

LEKSYON 7. KASIGUAN SA KINABUHI NGA WALAY KATAPUSAN

TUMONG SA LEKSYON: Aron madiskobrehan ang sukaranan ug mga ebidensya sa kasiguruhan sa kinabuhing dayon. Palihog basaha ang Juan 5:24; 8:31; 13:34-35; 15:8.

1. Daghang mga tawo ang nag-ingon nga dili kita makasiguro sa kinabuhing dayon hangtod nga kita mamatay. Pero sumala ni Jesus, kon mabatian mo ang Iyang pulong ug magtuo ka sa Dios nga nagpadala kaniya, unsa ang tulo ka butang nga imong masiguro? Palihog basaha ang Juan 5:24 .

“Sa pagkatinuod, sa pagkatinuod, magaingon ako kaninyo, nga ang nagapatalinghug sa akong pulong ug nagatoo kaniya nga nagpadala kanako may kinabuhi nga walay katapusan, ug dili na pagahukman sa silot, kondili miagi na gikan sa kamatayon ngadto sa kinabuhi.”

- Mahitungod sa KAAGI, miagi na kita sa kamatayon
 - Mahitungod sa KARON, aduna na kitay kinabuhing dayon.
 - Bahin sa UMAABOT, dili na ta hukman.
2. Ang sukaranan sa kasigurohan sa kinabuhing dayon mao ang saad ni Kristo Mismo. Atong basahon pag-usab ang Juan 5:24 (ibabaw). Nakadungog ka ba sa pulong ni Kristo? Mituo ka ba sa Diyos nga nagpadala Kaniya? Busa, base niini nga bersikulo, mituo ka ba nga aduna kay kinabuhing dayon?
 3. Apan, si Kristo nagtudlo nga ang Iyang mga disipulo (kadtong adunay kinabuhing dayon) magpakita ug tulo ka ebidensya sa ilang kinabuhi. Tan-awa ang mosunod nga mga bersikulo, ug gikan sa matag bersikulo ihulagway ang usa ka ebidensya:
 - Juan 8:31 _____
 - Juan 13:34-35 _____
 - Juan 15:8 _____

4. Ang unang ebidensya sa pagbaton sa kinabuhing dayon mao ang PAGESUNOD sa mga pulong ni Kristo (Juan 8:31). Aron sa pagsunod sa mga Punong ni Kristo, kinahangalan nga regular kita nga magtuon sa bibliya sa persona ug sa grupo kauban ang ubang mga kristohanon.
 - Nakasugod ka na ba sa paghimo sa imong personal nga pagtuon sa Bibliya?
 - **Nagsugod ka na ba sa pagtambong ug grupo nga pagtuon sa Bibliya?**
5. Ang ikaduhang ebidensya sa pagbaton ug kinabuhing dayon mao ang GUGMA ALANG SA UBANG KRISTOHANON (Juan 13:34-35). Kini nagpasabot nga ikaw nagpalambo ug mas suod nga relasyon sa ubang mga Kristohanon, ilabina niadtong mitabang kanimo sa pagdawat kang Kristo.
 - Nagsugod ka na ba sa pagtambong sa mga miting sa panag-uban sa grupo?
6. Ang ikatulong ebidensya sa pagbaton ug kinabuhing dayon mao ang PAGPAMUNGA. Ang bunga sa Kristohanong kinabuhi nagpasabot ug duha ka butang:
 - Una, ang bunga o mga hiyas sa Espiritu Santo nga nagpakita nga ikaw nagatubo sa imong kinaiya: gugma, kalipay, kalinaw, pailub, pagkamaayo, pagkamatinud-anon, pagpaubos, pagpugong sa kaugalingon (Galacia 5:22-23). Sukad nga imong nadawat si Kristo, sa unsang paagi imong nasinati si Kristo nga nagbag-o sa imong kinaiya?
 - Ikaduha, ang bunga o resulta sa imong pagsaksi alang kang Kristo. Ang imong mga higala ug paryente nahimong mas interesado nga mahibalo bahin kang Kristo isip resulta sa imong pagsaksi?
7. Ang bunga dili resulta sa imong tawhanong paningkamot; hinuon resulta kini sa suod nga relasyon kang Kristo. Si Kristo nag-ingon sa Juan 15:5: “Ako mao ang punoan sa paras, kamo mao ang mga sanga. Siya nga nagapabilin dinhi kanako, ug ako diha kaniya, mamunga ug daghan; kay kon wala Ako wala kamoy mahimo.”
 - Padayon sa pagpalambo ug mas suod nga relasyon uban ni Kristo pinaagi sa adlaw-adlaw nga pagbasa sa Bibliya ug pag-ampo.
 - Pangutan-a ang imong espirituhanong lider kon unsaon nimo pag-apil sa usa ka gamay nga grupo aron padayon nga motubo ang imong relasyon kang Kristo pinaagi sa pagtuon sa BAG-ONG KINABUHI

BASAHON 2: PANGINAHANGLAN SA USA KA BATA PA SA ESPIRITUHANON

MEMORYAHON:

Juan 8:31 – Unya miingon si Jesus sa mga Judio nga mituo kaniya, “Kon magpabilin kamo sa akong pulong, tinuod gayod nga kamo akong mga tinun-an. — Juan 8:31

LEKSYON 8. BAUTISMO SA TUBIG

TUMONG SA LEKSYON: Aron mahibaloan ang kahulogan ug importansya sa bautismo sa tubig.

1. Unsa ang bautismo sa tubig?

- (a) Kahulogan (Roma 6:1-4): Ang bautismo nagsimbolo sa pagkahiusa sa magtotoo uban ni Kristo sa Iyang kamatayon, pag-ubog, ug pagkabanhaw: Ang pagkanaog sa tubig nagsimbolo sa Kamatayon ngadto sa koneksyon sa magtotoo ngadto sa Unang Representante nga si Adan ug ang Paglubong sa iyang daan nga kinabuhi sa sala. Ang paghaw-as gikan sa tubig nagsimbolo sa Pagkabanhaw sa magtotoo ngadto sa bag-ong kinabuhi diha kang Kristo, hingpit nga gipahinungod sa pagkinabuhi alang sa kabubut-on ug himaya sa Dios.
- (b) Sugo (Mateo 28:18-20): Ang Ginoong Jesu-Kristo nagsugo sa bautismo isip unang publikong pagpahayag sa pagtuo sa usa ka magtutuo kang Jesu-Kristo isip iyang Manluluwas ug Ginoo (Mateo 10:32, 33; Roma 10:9, 10).
- (c) Panaghiusa sa Diyos (Mateo 28:19): Ang pagpabautismo sa (Griyego: EIS, ngadto sa) ngalan sa Amahan, sa Anak ug sa Balaang Espiritu, nagpasabot sa paghiusa sa usa ka permanente nga relasyon uban sa Trinidad sa Dios, nga nagtuman sa plano sa Diyos: "Ako mahimong inyong Diyos, ug kamo mahimong Akong katawhan" (1 Juan 1:3; 2 Corinto 6:16-18).

2. Bautismo sa Bata batok sa Bautismo sa Magtotoo,

Ang pagbautismo sa bata wala gihimo sa Bag-ong Tugon. Hinuon, sumala sa panig-ingnan sa batang si Jesus, ang mga masuso gidedikar ngadto sa Diyos (Lucas 2:22, 23). Bisan pa nga sa Daang Tugon kini gihimo lamang alang sa kamagulangang anak, ang mga Kristohanon nagbuhat niini alang sa tanang masuso. Ang bautismo nagkinahanglan og personal nga pagtuo kang Kristo; ang mga masuso dili pa makahimo sa paghimo og ingon niana nga desisyon; busa, ang mga masuso dili kuwalipikado nga bunyagan.

- 3. Ang bautismo dili kinahanglanon alang sa kaluwasan. Ang pagtuo kang Kristo mao ra ang gikinahanglan alang sa kaluwasan (Buhat 16:31); ang bunyag gihimo isip publikong pagpamatuod niana nga pagtuo (Buhat 2:37, 38). Ang naghinulsol nga kawatan sa krus gipasaligan sa kaluwasan nga walay bunyag (Lucas 23:42, 43). Si Simon ang Salamangkero gibautismohan, apan napamatud-an nga wala maluwas (Buhat 8:13, 20-23).
- 4. Apan ang bunyag dili opsyonal. Gimando kini sa Ginoong Hesus, busa kinahanglan kini sundon tungod sa kahulogan nga gisimbolo niini.

5. Ang bautismo mao ang sinugdanan sa usa ka tibuok kinabuhi nga espirituhanong panaw padulong sa sama-Kristo nga espirituhanong pagkahamtong. Apan kini kinahanglan nga usa ka tibuok kinabuhi nga handumanan ug pahinumdom sa permanente nga pagbulag sa magtutuo gikan sa daan nga kinabuhi ug sa iyang permanente nga panaghiusa kang Kristo aron mabuhi sa bag-ong kinabuhi nga bug-os nga gipahinungod sa Dios.
6. Pagkamiyembro sa Simbahan. Ang bautismo nagpaila usab sa paghiusa sa usa ka magtutuo ngadto sa Lawas ni Kristo nga makita sa lokal nga simbahan. Isip usa ka miyembro, ang magtutuo motubo sa espirituhanon samtang siya moapil sa batakang mga gimbuhaton ug mga ministryo sa lokal nga simbahan (Buhat 2:41, 43). Apil ka usab sa usa ka programa sa pagbansay sa pagkadisipulo aron matabangan ka nga tinuyo ug padayon nga molambo padulong sa pagkahamtong sa espirituwal nga sama kang Kristo (2 Pedro 3:18; Colosas 2:6, 7).
7. Praktikal nga mga Butang

Sa adlaw sa bautismo kinahanglan ka magdala og dugang nga sinina nga imong ikapuli. Dad-a ang imong toalya ug sudlay. Dad-a usab ang usa ka plastik nga bag diin imong ibutang ang imong basa nga mga sinina.

TIMA-AN:

Sa Bag-ong Kinabuhi Libro 4, ang mga hilisgutan sa bautismo ug Pagkasakop sa Simbahan hisgotan nga mas bug-os.

APPENDIX

T – R – U – M – P – S

Pagtuon sa Bibliya Para sa Tanan!

GIYA SA LIDER

Dili ka kinahanglan og espesyal nga pagbansay aron manguna niining pagtuon sa Bibliya. Ang serye gidisenyo subay sa **T – R – U – M – P – S** nga estratehiya:

- Together (Mag-uban)
- Read (Basaha)
- Understand (Sabta)
- Memorize (Sag-ulohon)
- Pray (Pag-ampo)
- Share. (Ipa-ambit)

Sunda kining ESKEDYUL para sa imong pagtuon sa Bibliya:

(1) MAGSUGOD sa panahon sa panag-uban.

ABI-ABIHA ang tanan sa pagtuon sa Bibliya. Kon adunay bag-o, hangyoha ang tanan sa pagpaila pag-usab sa ilang kaugalingon, sa ilang ngalan, diin sila nagpuyo, ug kinsa ang nagdapit kanila niini nga pagtuon. Human sa oras sa pag-abi-abi, KANTA og tulo o upat ka buhi nga awit sa pagdayeg. Dayon himoa ang pangbukas nga pag-ampo sa lider o sa usa nga iyang gihangyo.

(2) Pangunahan ang pagtuon,
pagsunod sa T – R – U – M – P – S nga paagi.

- **Together (Mag-uban)** – Ang matag usa kinahanglan adunay usa ka kopya niini nga libro sa pagtuon sa Bibliya, tungod kay ang plano mao ang pagbuhat sa mga kalihokan nga MAG-UBAN ingon usa ka grupo.
- **Read (Basaha)** – Sa paglakaw sa direksyon nga sunod-sunod sa orasan (gikan sa tuo ngadto sa wala), hatagi ang matag miyembro og buluhaton sa pagbasa sa mga seksyon o bersikulo sa leksyon.
- **Understand (Sabta)** – Human mabasa ang matag seksyon o bersikulo, pangutan-a kon adunay pangutana o komento. Tubaga kadiyot ang pangutana o pasalamatang komento, dayon basaha ang sunod nga seksiyon o bersikulo.
- **Memorize (Sag-ulohon)** – Sa kataposan sa leksyon, gamita ang mga 5 ka minuto sa paghinumdom sa bag-ong bersikulo. (Sa ubos atong ihulagway ang usa ka pamaagi sa paghinumdom sa usa ka bersikulo.)
- **Pray (Pag-ampo)** – Human sa pagsag-ulo sa bersikulo, bahina ang grupo ngadto sa mga kauban sa pag-ampo sa duha o tulo. Pahataga ang mga kauban sa pag-ampo sa mubo nga mga pagpamatuod sa gitubag nga mga pag-ampo ug ipaambit ang bag-ong mga hangyo sa pag-ampo, ug dayon paggahin og mga 10 minuto sa pag-ampo.
- **Share (Ipa-ambit)** – Human sa sesyon sa pag-ampo, hangyoha ang tanan sa paghatag sa ngalan sa usa ka PROSPEK (paryente, higala, silingan, kauban sa trabaho) nga ilang dapiton sa pagtuon sa Bibliya sunod semana. Ang tanan kinahanglan mosulat sa mga ngalan sa mga potensyal nga kliyente alang sa semana ug mag-ampo adlaw-adlaw nga ang Diyos makahimo kanila sa pag-adto sa pagtuon sa Bibliya.